



Eusko Jaurlaritzaren adierazpen instituzionala, iruzurraren aurkako borrokari buruz, Eskualde Garapeneko Europako Funtzarekin batera finantzatutako ekimenak gauzatzeko esparruan.

Eusko Jaurlaritzak, Ekonomia eta Ogasun Saileko Kohesio Politikako eta Europako Funtsetako Zuzendaritzaren bitartez, programazio-, jarraipen- eta ebaluazio-eginkizunak betetzen ditu, gaiaren arabera eskumena duten sailekin koordinatuta, *Eskualde Garapeneko Europako Funtzak* kofinantzatutako jarduerak, Europar Batasunak ezarria eta Euskal Autonomia Erkidegoko Administrazioak kudeatua.

Eta jasota gera dadin, adierazten du ezen Eusko Jaurlaritzak arau juridiko, etiko eta moralak betetzeko estandar altuenekin duen konpromisoa eta bere jarduketetan baliatu ohi dituen integritate, objektibotasun eta zintzotasun printzipio zorrotzekiko atxikimendua hedatzen dela, orobat, Europako EGEF funtsekin finantzatuta egiten dituen jarduketetara, ezin baita bestela izan.

Haren zerbitzura dauden langileek, enplegatu publiko diren aldetik, betebeharrak hauek dituzte, besteak beste: *«interes orokorrak zaindu beharko dituzte Konstituzioa eta gainerako ordenamendu juridikoa betez; halaber, honako printzipio hauen arabera ere jardun beharko dute: objektibotasuna, osotasuna, neutraltasuna, erantzukizuna, inpartzialtasuna, konfidentzialtasuna, zerbitzu publikoaren aldeko dedikazioa, gardentasuna, eredugarritasuna, austeritatea, irisgarritasuna, eraginkortasuna, zintzotasuna, kulturaren eta ingurumenaren sustapena, eta emakumeen eta gizonen arteko berdintasunarekiko errespetua»* (5/2015 Legea, urriaren 30ekoa, Enplegatu Publikoaren Oinarrizko Estatutuarena, 52. artikulua).

Horrez gain, erakunde osoa gidatzeko ardura duten kargu publikodunek atxikimendu-adierazpen bat egiten dute, alegia: *«Euskal Autonomia Erkidegoko Administrazioa eta haren sektore publikoko kargu publikodunen Etika eta Jokabide Kodea»* (Gobernu Kontseiluak 2016ko azaroaren 22an egindako bileran onartua). Adierazpen horrek, legez ezarrita dituzten konpromiso eta balioez gain funtzionario eta lan-kontratuko langileek duten erantzukizunarekin zuzenean lotuta dauden konpromisoak gehitzen dizkie. Kodea ez da asmo-adierazpen huts bat, benetako ondorioz ez duena, baizik eta kodea urratuz gero, barneko jarraipen-sistema bat aktibatzen da, eta horrek ekar dezake langilea kargugabetzea edo, beharrezkoa bada, organo eskudunei zenbait gomendio egitea, gertatutako okerrak zuzen daitezzen.

Nolanahi ere, helburua da erakundearen barruan iruzurra gaitzetsiko duen kultura bat sustatzea, aurrea hartuko diona eta detektatzen lagunduko duena, iruzur-kasuak kudeatzeko prozedura eraginkorrak garatzea sustatuz.

Eusko Jaurlaritzaren jarduerari dagokionez, *Eskualde Garapeneko Europako Funtzen* kudeaketaz eta jarraipenaz arduratzen den erakundea den aldetik, Jaurlaritzak iruzurraren aurka borrokatzeko neurri eraginkorrak eta egokiak jarri ditu abian, aurreko aldietan lortutako esperientzian eta iruzur-arriskuaren ebaluazio berrian oinarrituta.



Horretarako, lehendik dauden esperientzia eta mekanismoak ahalik eta gehien aprobetxatuz, iruzur-arriskua ebaluatzeko eta prebenitzeko prozesuak ezartzen dira, bai eta kasuan kasuko erantzukizun-arloen barruan barne-kontroleko sistema egokia dagoela ziurtatzekoak ere, eta, beharrezkoa izanez gero, neurri zuzentzaileak ezartzeko arreta egokia bermatzekoak ere bai.

Era berean, beharrezkoak diren administrazio-baliabideak ezartzen ditu neurri planak, hauteman daitezkeen irregulartasunak edo iruzur-susmoak salatzen, konfidentzialtasuna errespetatuz eta gai hori erregulatzen duten arauak jarraituz, barneko jakinarazpen-kanalen bitartez eta betiere lankidetzan agintaritza arduradunarekin, kontrol-agintaritzarekin, Iruzurraren aurkako Koordinazio Zerbitzu Nazionalarekin eta Iruzurraren aurkako Europako Bulegoarekin.

Kohesio Politikaren eta Europako Funtsen zuzendaria